

# BWRDD PENSIWN

Dydd Mercher 17 Chwefror 2021

**PRESENT:** John Jones (Cadeirydd);

## **Aelodau'r Pwyllgor:**

Mr Gwyn Jones - Cynrychiolydd Aelodau;  
Mr Paul Ashley-Jones - Cynrychiolydd Cyflogwyr sy'n Aelodau;  
Cynghorydd Philip Hughes - Cynrychiolydd Cyflogwyr sy'n Aelodau;  
Cynghorydd Gareth Lloyd - Cynrychiolydd Cyflogwyr sy'n Aelodau;  
Mr Tommy Bowler - Cynrychiolydd o'r Undeb;

## **Hefyd yn bresennol:**

Y Cynghorydd Elwyn Williams - Cadeirydd Pwyllgor Cronfa Bensiwn Dyfed;  
A. Brown – Cynghorydd Buddsoddi Annibynnol;

## **Roedd y Swyddogion canlynol yn bresennol yn y cyfarfod:**

R. Hemingway, Pennaeth Gwasanaethau Ariannol;  
A. Parnell, Rheolwr Pensiwn a Buddsodiadau Gyllidol;  
M. Owens, Cyfrifydd Cynorthwywr;  
L. Davies, Cyfieithydd Ar Y Pryd;  
E. Bryer, Swyddog Gwasanaethau Democrataidd;  
M.S. Davies, Swyddog Gwasanaethau Democrataidd.

## **Rhith-Gyfarfod: 2.00 yp - 3.20 yp**

### **1. YMDDIHEURIADAU AM ABSENOLDEB**

Cafwyd ymddiheuriad am absenoldeb gan Mr M. Rogers [Cynrychiolydd Pensiynwyr sy'n Aelodau].

### **2. DATGAN BUDDIANNAU PERSONOL**

Ni ddatganwyd unrhyw fuddiannau personol yn y cyfarfod.

### **3. COFNODION CYFARFOD Y BWRDD PENSIWN A GYNHALIWYD AR 20 TACHWEDD 2020**

**CYTUNWYD** cadarnhau cofnodion cyfarfod y Bwrdd Pensiwn a gynhaliwyd ar 20 Tachwedd 2020 gan eu bod yn gofnod cywir.

### **4. PWYLLGOR CRONFA BENSIWN DYFED**

#### **4.1. MONITRO CYLLIDEB 1 EBRILL 2020 – 30 MEDI 2020**

Rhoddodd y Bwrdd ystyriaeth i adroddiad Monitro Cyllideb Cronfa Bensiwn Dyfed a oedd yn rhoi'r wybodaeth ddiweddaraf am y sefyllfa gyllidebol ddiweddaraf am y cyfnod 1 Ebrill 2020 - 30 Medi 2020.

**CYTUNWYD** bod yr adroddiad yn cael ei nodi.

#### **4.2. CYSONI ARIAN PAROD FEL YR OEDD AR 30 TACHWEDD 2020**

Bu'r Bwrdd yn ystyried yr adroddiad Cysoni Arian Parod a roddai'r wybodaeth ddiweddaraf am sefyllfa ariannol Cronfa Bensiwn Dyfed. Nodwyd ar 30 Tachwedd, 2020 fod Cyngor Sir Caerfyrddin yn cadw £22.634m o arian parod ar ran y Gronfa ar gyfer gofynion llif arian uniongyrchol i dalu pensiynau, cyfandaliadau a chostau rheoli buddsoddiadau.

**CYTUNWYD bod yr adroddiad yn cael ei nodi.**

#### **4.3. ADRODDIAD TORRI RHEOLAU 2020-21**

Cafodd y Bwrdd yr Adroddiad Torri Amodau, mewn perthynas â Chronfa Bensiwn Dyfed, i'w ystyried. Mae Adran 70 o Ddeddf Pensiynau 2004 yn nodi'r ddyletswydd gyfreithiol i riportio achosion o dorri'r gyfraith.

Rhodddwyd sicrwydd i'r Aelodau nad oedd unrhyw achosion mawr o dorri rheolau yn y Gronfa.

**CYTUNWYD nodi'r adroddiad mewn perthynas â Chronfa Bensiwn Dyfed.**

#### **4.4. Y GOFRESTR RISG 2020-21**

Rhodddodd y Bwrdd ystyriaeth i'r gofrestr risg fel yr oedd ar 29 Rhagfyr 2020. Er na chyfeiriwyd yn benodol at Covid-19 yn y gofrestr, rhodddwyd gwybod i'r Bwrdd y gellir adolygu hyn mewn perthynas â'r Gofrestr Risg ar gyfer 2021/22.

Ystyriwyd ei bod yn galonogol nodi bod presenoldeb yn y cynadleddau a'r seminarau cenedlaethol rhithwir a drefnwyd ar gyfer aelodau wedi bod yn uwch na'r arfer.

Mewn ymateb i ymholiad, rhodddwyd sicrwydd i'r Bwrdd bod gan Gyngor Sir Caerfyrddin, sef awdurdod cynnal Partneriaeth Pensiwn Cymru, ddigon o adnoddau staff ar hyn o bryd i ddarparu'r cymorth angenrheidiol.

**CYTUNWYD y dylid nodi'r adroddiad ac y dylid tynnu sylw at unrhyw newidiadau mawr i'r gofrestr mewn adroddiadau yn y dyfodol.**

#### **4.5. DIWEDDARIAD GAN Y GWEITHREDWR - LINK AND RUSSELL INVESTMENTS**

Cafodd y Bwrdd y wybodaeth ddiweddaraf am gynnydd Partneriaeth Pensiwn Cymru mewn perthynas â'r is-gronfeydd canlynol ynghyd â daliadau cyfredol y gronfa, cynnydd lansio'r gronfa a Diweddariad ac Ymgysylltiad Corfforaethol Link / Russell Investments.

- Tranche 3 - Incwm Sefydlog;
- Tranche 4 – Marchnadoedd Datblygol;
- Tranche 5 – Datblygu strategaeth Marchnadoedd Preifat.

Rhodddwyd sicrwydd i'r Bwrdd na ddylai unrhyw gaffaeliad o'r Link Group effeithio ar ei ymrwymiad i Bartneriaeth Bensiwn Cymru a byddai'r sefyllfa'n cael ei monitro'n ofalus.

Tynnodd y Cadeirydd sylw at y ffaith nad oedd Protocol Ymgysylltu LFS yn cyfeirio at y ffaith bod Link and Russell yn cynnal cyfarfodydd ddwywaith y flwyddyn gyda Chadeiryddion Byrddau Pensiwn a gofynnodd i hyn gael ei adrodd yn ôl.

**CYTUNWYD y dylid derbyn yr adroddiad.**

#### **4.6. COFNODION CYFARFOD Y PWYLLGOR PENSIYNAU 11 IONAWR 2021**

**CYTUNWYD y dylid derbyn cofnodion cyfarfod Pwyllgor Cronfa Bensiwn Dyfed a gynhaliwyd ar 11 Ionawr 2021.**

#### **5. AILSTRWYTHURO ECWITI**

Cafodd y Bwrdd adroddiad ar gynigion y cytunwyd arnynt gan Bwyllgor Cronfa Bensiwn Dyfed ar gyfer ail-strwythuro portffolio ecwiti Cronfa Bensiwn Dyfed a oedd yn rhoi ystyriaeth i risg sy'n gysylltiedig â'r hinsawdd a sefydlu portffolios Partneriaeth Pensiwn Cymru. Byddai strwythur portffolio Ecwiti BlackRock Gwaddol gwerth £1.27Bn yn cael ei adolygu i'w alluogi i weithio'n galetach i gyflawni nod y Gronfa o ran perfformiad tymor hir a risgiau yn sgil yr hinsawdd.

Mewn ymateb i gwestiwn yn ymwneud â newid yn yr hinsawdd ac allyriadau carbon, dywedwyd wrth y Bwrdd fod y rhain yn faterion a oedd yn cynyddu'r risg o fuddsoddi mewn rhai meysydd. Nodwyd bod y mater 'ôl troed carbon' wedi'i godi'n gyntaf gan Bwyllgor Pensiwn Dyfed yn 2017 a bod strategaeth ar waith a oedd yn anelu at ei leihau'n barhaus. O ran 'lleoliaeth', nodwyd er y bu buddsoddiad mewn dwy fferm paneli haul yn Sir Benfro, bod yn rhaid pwysu a mesur hyn ochr yn ochr ag enillion posibl.

Croesawodd y Pwyllgor y diweddariad a'r cynnydd oedd yn cael ei wneud.

**CYTUNWYD y dylid nodi'r adroddiad ac y dylid adrodd ar ddatblygiadau pellach mewn cyfarfodydd yn y dyfodol.**

#### **6. CYLLIDEB Y BWRDD PENSIYNAU 2021-22**

Rhoddodd y Bwrdd ystyriaeth i gyllideb Cronfa Bensiwn Dyfed ar gyfer 2021-22 a oedd wedi cynyddu tua 15% o gyllideb 2020-21 o ganlyniad i'r ffioedd uwch ar gyfer Cadeirydd y Bwrdd Pensiwn ac Yswiriant Atebolrwydd Bwrdd Pensiwn.

**CYTUNWYD i nodi'r Gyllideb ar gyfer 2020-21.**

#### **7. GORCHYMYN I'R CYHOEDD ADAEL Y CYFARFOD**

**PENDERFYNWYD YN UNFRYDOL, yn unol â Deddf Llywodraeth Leol 1972, fel y'i newidiwyd gan Orchymyn Llywodraeth Leol (Mynediad at Wybodaeth) (Amrywio) (Cymru) 2007, orchymyn i'r cyhoedd adael y cyfarfod tra oedd yr eitemau canlynol yn cael eu hystyried, gan fod yr adroddiadau'n cynnwys gwybodaeth eithriedig fel y'i diffiniwyd ym mharagraff 14 o Ran 4 o Atodlen 12A i'r Ddeddf.**

**8. ADRODDIAD PERFFORMIAD A RISG GAN YMGYNGHORYDD ANNIBYNNOL AR 30 MEDI 2020**

**Yn sgil gweithredu'r prawf budd y cyhoedd PENDERFYNWYD YN UNFRYDOL, yn unol â'r Ddeddf y cyfeiriwyd ati yng nghofnod rhif 7 uchod, fod y mater hwn yn cael ei ystyried yn breifat, gan beidio â gadael i'r cyhoedd fod yn bresennol yn y cyfarfod, gan y byddai datgelu gwybodaeth yn debygol o achosi niwed ariannol i'r Gronfa Bensiwn.**

Ystyriodd y Bwrdd Adroddiad Perfformiad a Risg yr Ymgynghorydd Buddsoddi Annibynnol, a roddai wybodaeth mewn perthynas â pherfformiad y rheolwr buddsoddiadau ar gyfer pob chwarter, pob 12 mis a chyfnodau treigl o 3 blynedd, gan ddod i ben ar 30 Medi 2020, ynghyd â chefnidir y farchnad fyd-eang a materion i'w hystyried.

**PENDERFYNWYD nodi Adroddiad yr Ymgynghorydd Buddsoddi Annibynnol fel yr oedd ar 30 Medi 2020.**

**9. ADRODDIAD PERFFORMIAD NORTHERN TRUST, 30 MEDI 2020**

**Yn sgil gweithredu'r prawf budd y cyhoedd PENDERFYNWYD YN UNFRYDOL, yn unol â'r Ddeddf y cyfeiriwyd ati yng nghofnod rhif 7 uchod, fod y mater hwn yn cael ei ystyried yn breifat, gan beidio â gadael i'r cyhoedd fod yn bresennol yn y cyfarfod, gan y byddai datgelu gwybodaeth yn debygol o achosi niwed ariannol i'r Gronfa Bensiwn ac o niweidio trafodaethau parhaus a thrafodaethau'r dyfodol.**

Ystyriodd y Bwrdd adroddiad perfformiad Northern Trust ar gyfer Cronfa Bensiwn Dyfed fel yr oedd ar 30 Medi 2020 a oedd yn nodi dadansoddiad o berfformiad o ran lefel y gronfa gyfan a chan y rheolwr buddsoddi am y cyfnodau cyn i'r gronfa gychwyn.

**PENDERFYNWYD derbyn adroddiad perfformiad Northern Trust ar gyfer Cronfa Bensiwn Dyfed fel yr oedd ar 30 Medi 2020.**

---

Y CADEIRYDD

---

Y DYDDIAD